



VODOVOD I KANALIZACIJA

JAVNO KOMUNALNO PREDUZEĆE
75000 TUZLA, KULINA BANA 2

TUZLA

TELEFONI: ++387/35.Direktor: 369-844; fax: 369-851, Dežurna služba: 369-800, 369-801, Rukovodilac RJ Vodospabdijevanje: 369-808, Rukovodilac R.J. Održavanje: 369-816, Rukovodilac pogona kanalizacija: 369-803, Tehnička služba: Rukovodilac 369-807, prikljucci 369-810, 369-814, Služba za obračun i očitavanje vodomjera: Rukovodilac 369-831, reklamacije i prigovori: 369-836, 369-837, Rukovodilac finansijske službe: 369-825, Rukovodilac knjigovodstva: 369-827, Rukovodilac službe nabave: tel/fax 369-860, Pravna služba: 369-841, 369-843
TRANSAKCIJSKI RAČUNI: 132-100-01650101-03 NLB banka, 338-300-22500471-33 UniCredit bank d.d., 161-025-00236400-14 Raiffeisen bank d.d. BiH, 199-050-00061658-03 Sparkasse bank, Filijala Tuzla, POŠTANSKI PRETINAC: 161;
IDENTIFIKACIONI BROJ: 4209042590003, IDENTIFIKACIONI BROJ KOD UIO: 209042590003; Upis u sudski registar : UII - 3241/97 Kantonalni sud Tuzla.

Tuzla, 17.04.2019.godine
Broj: 2364/19

Na osnovu člana 100. stav (3) Zakona o javnim nabavkama („Sl. glasnik BiH“, broj 39/14), po provedenom postupku za nabavku usluga – Kolektivno kombinovano osiguranje zaposlenika, osiguranje vozila, osiguranje objekta fabrika vode Cerik, Osiguranje odgovornosti za štete prema trećim licima iz tekuće djelatnosti preduzeća, Osiguranje mašina i Osiguranje od profesionalne odgovornosti, putem konkurentskog zahtjeva, direktor JKP „Vodovod i kanalizacija“ d.o.o. Tuzla na preporuku komisije za javne nabavke donosi

ODLUKU

**O stavljanju van snage Odluke o izboru najpovoljnijeg ponuđača br.2053/19 od 08.04.2019.
I dodjeli ugovora drugorangiranom ponuđaču**

Član 1.

Odluka o izboru najpovoljnijeg ponuđača br.2053/19 od 08.04.2019., u skladu sa članom 100. stav 3. ZJN BiH se stavlja van snage i ugovor za nabavku usluga” Kolektivno kombinovano osiguranje zaposlenika, osiguranje vozila, osiguranje objekta fabrika vode Cerik, Osiguranje odgovornosti za štete prema trećim licima iz tekuće djelatnosti preduzeća, Osiguranje mašina i Osiguranje od profesionalne odgovornosti” dodjeljuje drugorangiranom ponuđaču Sarajevo osiguranje d.d. Sarajevo, čija je ponuda prihvatljiva i najpovoljnija, odnosno ispunjava sve zahtjeve iz tenderske dokumentacije.

Član 2.

Ova odluka objavit će se na web stranici, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 1242/19 od 04.03.2019.godine. Javna nabavka je provedena putem konkurentskog zahtjeva. Izbor ponuđača izvršen je na osnovu kriterija najniža cijena ponude. Procijenjena vrijednost javne nabavke bez PDV-a je 25.000,00 KM. Obavijest o nabavci broj: 1149-7-2-11-8-18/19 objavljena je na Portalu javnih nabavki dana 04.03.2019.godine

Komisija za javnu nabavku imenovana je Rješenjem br. 1243/19 od 04.03.2019.godine.

Iz Zapisnika o pregledu i ocjeni ponuda Komisije broj 2052/19 od 08.04.2019.godine proizilazi da su u predmetnom postupku javne nabavke ponude dostavili sljedeći ponuđači:

- ASA osiguranje d.d. Sarajevo
- Sarajevo osiguranje d.d. Sarajevo
- Wiener osiguranje VIG AD Banja Luka

Direktor JKP“Vodovod i kanalizacija“ d.o.o. Tuzla je na osnovu Zapisnika o ocjeni ponuda i preporuke Komisije, donio Odluku o izboru najpovoljnijeg ponuđača broj 2053/19 od 08.04.2019.godine.

Na Odluku o izboru najpovoljnijeg ponuđača br 2053/19 od 08.04.2019.godine , u zakonom predviđenom roku žalbu je izjavio ponuđač Sarajevo osiguranje d.d. Sarajevo.

Razmatrajući navode žalbe konstatovano je da su isti osnovani, te nakon ponovnog pregleda i analize prvorangirane ponude ponuđača Wiener osiguranje VIG AD Banja Luka komisija za javne nabavke utvrdila je sljedeće:

- da je ponuda ponuđača Wiener osiguranje VIG AD Banja Luka neprihvatljiva iz sljedećih razloga:

U tenderskoj dokumentaciji u dijelu **2. Osiguranje vozila – Obavezno osiguranje motornih vozila** navedeno je da ponude za osiguranje motornih vozila od Autoodgovornosti (AO) moraju biti u skladu sa zakonski propisanim cijenama, odnosno Jedinstvenim premijskim sistemom X-AO koji je donio Upravni odbor Biroa osiguranja BiH, a na osnovu mišljenja Ministarstva finansija-Ureda za nadzor broj: 1.0-021-20/98-1 od 24.06.2008. godine.

Ponuda koja ne bude u skladu sa gore navedenim premijskim sistemom X-AO, smatrat će se nevažećom i neće biti uzeta u razmatranje.

Kako se ponuđač Wiener osiguranje VIG AD Banja Luka, prilikom formiranja cijena ponude, nije pridržavao Jedinstvenog premijskog sistema X-AO, ponuda istog se smatra kao neprihvatljiva.

Naime, ponuđač Wiener osiguranje VIG AD Banja Luka u tabeli 2. Osiguranje vozila, za vozila pod rednim brojem 2. i 10. je ponudio nižu premiju od propisane premijskim sistemom X-AO, odnosno za iste nije računao ostavreni bonus koji je naveden u tenderskoj dokumentaciji.

Također za vozila pod rednim brojem od 48. do 59. , nova vozila za koja je navedeno da se radi o prvoj registraciji ponuđač Wiener osiguranje VIG AD Banja Luka je računao kao da ostvaruju 90% bonusa ,a za iste je navedeno u tenderskoj dokumentaciji bonus 0,00 %, odnosno da ne ostvaruju bonus, te je za navedene stavke trebalo obračunati premiju bez ostvarenog bonusa.

Za vozilo pod rednim brojem 39. Teretni program “Cistema za gorivo 2t” je obračunata premija niža od propisane odnosno ponuđač Wiener osiguranje VIG AD Banja Luka nije uračunao doplatka za gorivo, što je morao u skladu sa premijskim sistemom X-AO Tarifna grupa 02 -Teretna vozila Tabela A Doplaci.

Imajući navedeno u vidu ponuda ponuđača Wiener osiguranje VIG AD Banja Luka se ne može smatrati prihvatljivom, te se ista nakon ponovnog pregleda i ocjene ponude, a na osnovu žalbe drugorangiranog ponuđača Sarajevo osiguranje d.d. Sarajevo, odbija kao neprihvatljiva.

Obzirom da je provedena i E-aukcija na kojoj je učestvovala i ponuda ponuđača Wiener osiguranje VIG AD Banja Luka kao neprihvatljiva, smatramo da nema potrebe za ponovnim provođenjem E-aukcije jer na istoj nije bilo podnošenja ponuda, tako da ponuda ponuđača Wiener osiguranje VIG AD Banja Luka na taj način nije mogla uticati na formiranje ponuda ostalih ponuđača ,odnosno spuštanja cijena ponuda, te ih dovesti u nepovoljan položaj. Kako su ponude i nakon održane E-aukcije ostale nepromjenjene očigledno je da ponuđači nisu imali namjeru spuštati cijene svojih ponuda, tako da novo zakazivanje i održavanje E-aukcije ne bi imalo svrhe.

U postupku donošenja ove odluke, posebno su cijenjene činjenice da je Komisija ponovnim pregledom i analizom ponuda, a na osnovu žalbe drugorangiranog ponuđača Sarajevo osiguranje d.d. Sarajevo, konstatovala da je prilikom prvobitne ocjene došlo do propusta od strane komisije, te da je razmatrajući žalbene navode utvrdila da su isti osnovani, shodno kriterijima iz Tenderske dokumentacije, te utvrdila da prvorangirana ponuda nije prihvatljiva jer se ponuđač nije pridržavao uputa iz tenderske dokumentacije i pogrešno primjenio Jedinstveni premijski sistem X-AO prilikom određivanja visine premija za određena vozila.

U postupku ponovne ocjene provedenog postupka, direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Na osnovu svega navedenog, a uvažavajući preporuku Komisije za javne nabavke, odlučeno je da se ugovor za javnu nabavku usluga "Kolektivno kombinovano osiguranje zaposlenika, osiguranje vozila, osiguranje objekta fabrika vode Cerik, Osiguranje odgovornosti za štete prema trećim licima iz tekuće djelatnosti preduzeća, Osiguranje mašina i Osiguranje od profesionalne odgovornosti" dodjeli drugorangiranom ponuđaču Sarajevo osiguranje d.d. Sarajevo, čija je ponuda prihvatljiva i najpovoljnija, odnosno ispunjava sve zahtjeve iz tenderske dokumentacije.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 5 (pet) dana od dana prijema u skladu sa članom 101. Zakona o javnom nabavkama BiH.

Dostavljeno:

- Ponuđačima
- Pravna služba
- a/a

2 — Direktor —
mr. sci. Aid Berbić, dipl. pravnik

